

Transkription von Urkunde BRB 1398a

Ort, Datierung: Brandenburg an der Havel, 1398-04-01

Signatur: Stadtarchiv Brandenburg, 0.2.1.8

Inhalt: Rat der Städte Brandenburg: Verteidigungsbeschluss

Wý(e)¹ . . Bûrg(er)meiste(re) vnde Radmanne . Ald vnde Nýe . die nû sin vnde na to komende sint Jnd(er) / Nien Stad Brandeborch . Bekennen vnde Betûghen mit disseme vns(e)n opene(n) briffē allen luden / die en lesen , horen , adir sien , dat wi mit vulbord vnsir Borg(er) gemeýne eýn worden sint vnde / hebben gelouet vnde louen mit crafftē disses Briffes . den Ersamen Radherrn inder Aldenstad Bran=/deborch Sulke stûcke vnde artikele Stede vnde wol to haldene Alse si hir na bescreuen stan . To me irste(n) / male so loue wi en dat , Quemet dat wý , vns(e)me heren deme marcg(re)uen adir sinen gewaldighen / wolden adir mûsten volghen to noden adir to heruart , Adir wý wapende lude scolden verdighen ie=/ghen vnse viende , adir halden wolden laten to velde in welker mate wi des eýn worden to vnsir / twier stede nod , so scole wi vnde willen vvt² vnsir nienstad verdighen twe lude , vnde die Radma(n)ne vvt² / der Aldenstad einen dar ieghen , war vnde wenne wý des bedorffen . vnde wi des vnder vns ok eyn / werden wû vele lude wi verdighen scolen adir willen , Wen dit sus geschijt neme wý den ok / welken from dar ouer anfanghen , vee , hauen , adir an frome die beiden steden to drecht / des fromes scole wi Radmanne vvt² der nienstad nemen twe deil , vnde die Radmann(e)¹ vvt² d(er) . / alden stad dat drudde deil . wen besûnde(re)n vvt² genomen perde , vnde harnesch . dat scolen die / ihene Buten vnde deilen na mantale die van vnsir twier stede wegghen to velde sint gewesen , vnd(e) / ok die ihene die ore perde vnde knechte dar tho don , die scolen oren deil dar ane nemen na d(er) / Radmann(e)¹ Rade . neme wi auer welken schaden dar ouer dar god vor si in so da(n)n Reýsen . So / scole wi vnde willen io den schaden to vorne vvt² legeren mit deme frome er ennighe Butinghe / dar gheit . an harnesche vnde an perden . wat dar den vorbat an schelde an schaden to legeren / des scole wi wt der nienstad leggen twe pe(n)ninghe . vnde die wt der Alden stad den drudden pe(n)=/ningh . Vortmer wer(et) ok dat ennighe Ronni(n)ghe queme(n) adir geschege(n) vor vnsir stede welk / vnde wi den vvt² quemen mit vnsen Bûrgeren to perde , adir to vûte , vnde from dar ouer neme(n) / lûtlik adir vele . kleý(n)e¹ . ad(ir) grot . des fromes scole wý Radma(n)ne vvt² d(er) nienstad ok neme(n) twe pe(n)=/ni(n)ghe . vnde die Radma(n)ne wt d(er) oldenstad scolen nemen den drudden pe(n)ni(n)gh . neme wý ok Jen=/nighe(n) schaden dar ouer dar god vor(e)¹ si . so scole wi Radmann(e)¹ wt der nienstad ok gelden twe / pe(n)ni(n)ghe vnde die Radmann(e)¹ wt der Aldenstad . scolen legeren vnde gelden den drudden pe(n)ningh / sunder vortoch . hulperede . vnde wedersprake , hadde eýne stad ok mer lude wen die ander dat / schal dar nicht an schelen , To frome , adir tho schaden . Ok schal sik eyn(e) Stad ieghen der an=/deren hir an bewisen mit trûwen . Vorbat mer die theringhe die wi hir ou(er) don werden . An / kosten , arbeide , Bodegelde , adir an briffepe(n)ninghen . Inwelker mate dat dat geschijt , die scole / wi vnde willen vorbat mer draghen , don , vnde theren mit eýn ander wt eýme Budele , vnde / wý Radmanne wt der nien stad scolen gelden vnde don to der theringhe twe pe(n)ninghe . vnde / die Radmann(e)¹ wt der Aldenstad scolen gelden den drudden pe(n)ni(n)gh liflike vnde mit willen . war / vnde wenn(e)¹ des nod werdit . Vorbat mer wolde ok vnser Borg(er) welk ýmand wt thin vnde / laden tō krighe geistlike , Odir wertlike , oder wolde vnsir Borg(er) adir vnser stede welk výtend sin / weder Recht . dar scole wý vnde willen Recht vorbyden . vnde Bý oreme rechte bliuen , vnde dar / wi Recht vor(e)¹ byden , des Rechten vnde vnrechten scole wi vnde willen tō allen

tiden mechtich sin . / Alle disse vorbescreuen(e) ¹ stücke vnde artikel . loue(n) wi Ergenan(nen) .
Burg(er)meiste(re) vnde Radmann(e) . ald / vnde nye d(er) nienstad Brand(eborch) . vor vns vnser
nakomelinghe(n) . den Ersamen Radma(n)nen ald vnde / nie Jnd(er) alden stad Brand(eborch) . vnde
oren nakomelinghe(n) die Jnd(er) tijd Radmann(e) ¹ w(er)den . stede vnde vaste / to haldene Jngvden
trūwen . sūnder allerleie argelist . des to einer groteren bekantnisse so / hebbe wi vnser Stad Jngesegele
witlike laten henghen , An dissē Briff . na Cristi gebord / dūsent Jar . dr̄y hundert Jar , dar na Jndeme
Achte vnde negentigest(e)n jare . des negesten man/dag(es) na palmen . [etc.] /

¹ Vokal hochgestellt